


史記題評

七

紀七



漢書門			
八	七	四	九
十	九	六	九
冊	架	函	號

內閣文庫			
二	八	七	漢
九	四	四	書
函	六	九	類
一	冊	號	
二	架	號	

內閣文庫			
番號	漢	8749	
冊數	60 (6)		
函號	279	41	




A 1 2 3 4 5 6 M 8 9 10 11 12 13 14 15 B 17 18 19



Kodak Gray Scale



© Kodak, 2007 TM: Kodak







史記題評卷七

李元陽輯訂高世魁校正

項羽本紀

項籍者下相人也

地理志臨淮有下相縣

字羽初起時年二十

四其季父項梁梁父即楚將項燕正義曰燕為秦將

王翦所戮者也項氏世世為楚將封於項索隱曰地理志項城

縣屬汝南故姓項氏項籍少時學書不成去學劍又不成

項梁怒之籍曰書足以記名姓而已劍一人敵不足

學學萬人敵於是項梁乃教籍兵法籍大喜畧知其

意又不肯竟學項梁嘗有櫟陽逮乃請斬獄掾曹
咎書抵櫟陽獄掾司馬欣蘇林曰斬音機縣屬沛國以故事得已
項梁殺人與籍避仇於吳中吳中賢士大夫皆出項
梁下每吳中有大繇役及喪項梁嘗為主辦陰以兵
法部勒賓客及子弟以是知其能秦始皇帝將會稽
渡浙江索隱曰韋昭云浙江在今錢塘折音折音灼音浙非也蓋其流曲折於所謂制河即其水也制折聲相近梁與籍俱觀籍曰彼可取而代也梁掩其
口曰毋妄言族矣梁以此奇籍籍長八尺餘力能扛
鼎韋昭曰扛舉也索隱曰說文云扛橫闕對舉也音江才氣過人雖吳中子弟

皆已憚籍矣秦二世元年七月陳涉等起大澤中索隱曰徐云大澤在沛郡蘄縣其九月會稽守通謂梁曰楚漢春秋曰會稽假守殷
通江西皆反此亦天亡秦之時也吾聞先即制人後
則為人所制吾欲發兵使公及桓楚將是時桓楚亡
在澤中梁曰桓楚亡人莫知其處獨籍知之耳梁乃
出誠籍持劍居外待梁復入與守坐曰請召籍使受
命召桓楚守曰諾梁召籍入須臾梁眴籍曰可行矣
於是籍遂拔劍斬守頭項梁持守頭佩其印綬門下
大驚擾亂籍所擊殺數十百人索隱曰此不定數也自百已下或至八十

史記卷六

項梁

二

周道員

九十故云一府中皆懼伏莫敢起索隱曰說文云讐失氣也懼音之涉

反梁乃召故所知豪吏諭以所為起大事遂舉吳中

兵使人收下縣得精兵八千人梁部署吳中豪傑為

校尉候司馬有一人不得用自言於梁梁曰前時某

喪使公主某事不能辦以此不任用公衆乃皆伏於

是梁為會稽守籍為裨將徇下縣李奇曰徇畧也知

徇徇其人氏廣陵人召平於是為陳王徇廣陵正義曰揚州

能下正義曰下胡嫁反聞陳王敗走秦兵又且至乃

渡江矯陳王命正義曰矯紀兆反召平從廣陵拜梁

渡京口江至吳詐陳王命拜梁

召平也
東
字
有
東
召
平
也

為楚王上柱國徐廣曰二世之二年正月也駟案應劭曰上柱國上卿官若今相國也

曰江東已定急引兵西擊秦項梁乃以八千人渡江

而西聞陳嬰已下東陽晉灼曰東陽縣本屬臨淮郡漢明帝分屬下邳後復分屬

廣陵使使欲與連和俱西陳嬰者故東陽令史居縣中

素信謹稱為長者東陽少年殺其令相聚數千人欲

置長無適用乃請陳嬰謝不能遂彊立嬰為長縣

中從者得二萬人少年欲立嬰便為王異軍蒼頭特

起應劭曰蒼頭特起言與眾異也蒼頭謂士卒卑巾

戰國策魏有蒼頭二十萬索隱曰晉灼曰殊異其軍

為蒼頭謂著青帽如淳云特起猶言漸起也按為蒼

史記卷三十一 項羽本紀 三

頭軍持起欲立陳嬰為王嬰母不許陳嬰母謂嬰曰

自我為汝家婦未嘗聞汝先古之有貴者今暴得大

名不祥不如有所屬事成猶得封侯事敗易以亡非

世所指名也張晏曰陳嬰母潘旌人墓在潘旌○索隱曰潘旌是邑聚之名後為縣屬臨淮

嬰乃不敢為王謂其軍吏曰項氏世世將家有名於

楚今欲舉大事將非其人不可我倚名族亡秦必矣

於是眾從其言以兵屬項梁項梁渡淮黥布蒲將軍

亦以兵屬焉服虔曰英布起於蒲地因以為號如淳曰言當陽君蒲將軍皆屬項羽此自更

有蒲將軍○索隱曰按布姓英咎繇之後後以罪被黥故改姓黥以應相者之言常昭云蒲姓也是英布

與蒲將軍二人共以兵屬項梁也故服虔以凡六七

萬人軍下邳正義曰被悲反下邳泗水縣也應劭云

下邳當是時秦嘉已立景駒為楚王陳涉世家曰秦嘉

氏駒族景軍彭城東欲距項梁項梁謂軍吏曰陳王

先首事戰不利未聞所在今秦嘉倍陳王而立景駒

逆無道乃進兵擊秦嘉秦嘉軍敗走追之至胡陵鄧

曰胡陵縣名屬山陽嘉還戰一日嘉死軍降景駒走死

梁地項梁已并秦嘉軍軍胡陵將引軍而西章邯軍

至栗徐廣曰縣名在沛項梁使別將朱雞石餘樊君與戰餘

樊君死朱雞石軍敗亡走胡陵項梁乃引兵入薛正義

曰括地志云故薛城古薛侯國也在徐州滕國縣界

黃帝之所封左傳曰定公元年薛宰云薛之祖奚仲

居薛為夏車正後為誅雞石項梁前使項羽別攻襄

孟嘗君田文封邑也城正義曰許襄城堅守不下已拔皆阮之還報項梁

項梁聞陳王定死召諸別將會薛計事此時沛公亦

起沛往焉居鄆人范增索隱曰晉灼鄆音勦絕之勦

巢是故巢國夏桀所奔荀悅漢紀云范增阜陵人年七十素居家好奇計往

說項梁曰陳勝敗固當正義曰顧著作云固宜夫秦

滅六國楚最無罪自懷王入秦不友楚人憐之至今

故楚南公曰徐廣曰楚人也善言陰陽駟按文穎曰

公者道士識廢興之數知亡秦者必於楚漢書楚雖

三戶秦必楚也噴曰楚人怨秦雖三戶猶足以亡

以為三戶楚三大姓昭屈景也二說皆非按左氏以

畀楚師於三戶杜預註云今丹水縣北三戶亭則是

地名不疑○正義曰按服虔云三戶漳水津也孟康

云津峽名也在鄆西三十里括地志云濁漳水又東

經葛公亭北經三戶峽為三戶津在相州澄陽縣界

然則南公辨陰陽識廢興之數知秦亡必於三戶故

出言後項羽果渡三戶津破章邯今陳勝首事不立

楚後而自立其勢不長今君起江東楚遂起之將如

曰蠶起猶言蠶午也衆蠶飛起交橫若午言其多也

○索隱曰凡物交橫為午言蠶之起交橫也聚也故

劉向傳註云蜂午雜音也
鄭玄云一縱一橫為午
皆爭附君者以君世世楚

將為能復立楚之後也
正義為於是項梁然其言乃

求楚懷王孫心民間為人牧羊立以為楚懷王
徐廣曰此

時二世之從民所望也
應劭曰以相謚
陳嬰為楚上

柱國封五縣與懷王都彭台
鄭玄曰音照怡。正義

項梁自號為武信君居數月引兵攻
淮水懷王都之

亢父
正義曰亢音剛又苦浪反父音甫
地志與齊

田榮司馬龍且
正義曰子余反
軍救東阿
東阿故城在濟州

東阿縣西南二十五里
大破秦軍於東阿田榮即

東阿縣城秦時齊之阿也

引兵歸逐其王假假亡走楚假相田角亡走趙角弟

田間故齊將居趙不敢歸田榮立田儋子市為齊王

項梁已破東阿下軍遂追秦軍數使使趣齊兵欲與

俱西
正義曰下使色
田榮曰楚殺田假趙殺田用田

間乃發兵項梁曰田假為與國之王窮來從我不忍

殺之趙亦不殺田角田間以市於齊
張晏曰若市買

齊遂不肯發兵助楚項梁使沛公及項羽別攻城陽

正義曰括地志云濮州雷澤縣木漢郡陽在州東九

十一里地理志云城陽屬濟陰郡古郟伯國姬姓之

國史記周武王封季弟載于郟
屠之西破秦軍濮陽

其後遷於城之陽故曰城陽

東正義曰括地志云濮陽縣在濮州西八十六里濮陽縣也古吳之國別攻城濮者之西破秦軍濮陽縣

也東即秦兵收入濮陽沛公項羽乃攻定陶正義曰定陶曹

州城也從濮定陶未下去西畧地至離丘正義曰離丘今濮州

縣也地理志云古祀國代王封禹後於祀號人破秦

軍斬李由應劭曰由還攻外黃正義曰括地志云故

雍丘縣東張晏曰魏郡有內黃縣故加外也臣瓚曰縣有黃濟故名外黃未下項梁起

東阿西北至定陶再破秦軍項羽等又斬李由益輕

秦有驕色宋義乃諫項梁曰戰勝而將驕卒隋者敗

今卒少隋矣秦兵日益臣為君畏之項梁弗聽乃使

宋義使於齊道遇齊使者高陵君顯張晏曰顯名也高陵縣名○索

隱曰晉灼云高陵屬琅邪曰公將見武信君乎曰然曰臣論武信

君軍必敗公徐行即免死疾行則及禍秦果悉起兵

益章邯擊楚軍大破之定陶項梁死沛公項羽去外

黃攻陳留陳留堅守不能下沛公項羽相與謀曰今

項梁軍破士卒恐乃與呂臣軍俱引兵而東呂臣軍

彭城東項羽軍彭城西沛公軍應劭曰陽音唐

章邯已破項梁軍則以為楚地兵不足憂乃渡河擊

趙大破之當此時趙歇為王陳餘為將張耳為相皆

走入鉅鹿城章邯令王離涉閒圍鉅鹿張晏曰涉姓
 章邯軍其南築甬道而輸之粟應劭曰恐敵抄輜重
 陳餘為將將卒數萬人而軍鉅鹿之北此所謂河北
 之軍也楚兵已破於定陶懷王恐從盱台之彭城并
 項羽呂臣軍自將之以呂臣為司徒以其父呂青為
 令尹應劭曰天子曰師尹諸侯曰令尹時去六國尚
近故置令尹躡曰諸侯之卿唯楚稱令尹時立
楚之後故置官以沛公為碭郡長蘇林曰長封為武
司皆如楚舊安侯將碭郡兵初宋義所遇齊使者高陵君顯在楚
 軍見楚王曰宋義論武信君之軍必敗居數日軍果

敗兵未戰而先見敗徵此可謂知兵矣王召宋義與
 計事而大說之因置以為上將軍項羽為魯公為次
 將范增為末將救趙諸別將皆屬宋義號為卿徐廣
作子冠軍文穎曰卿子時人相褒尊之辭猶言公子
慶三軍因封為冠軍也上將故言冠軍張晏曰若霍去病功冠
侯至今為縣名行至安陽留四十日不進索隱曰
云從攻安陽扛里則安陽與扛里俱在河南顏師古
以為今相州安陽縣按此兵猶未渡河不應即至相
州安陽今檢後魏書地形志云已氏有安陽城改已
氏為楚丘今宋州楚丘西北四十里有安陽故城是
 也項羽曰吾聞秦軍圍趙王鉅鹿疾引兵渡河楚擊
 其外趙應其內破秦軍必矣宋義曰不然夫搏牛之

蝨不可以破蟣蝨如淳曰用力多而不可以破蟣蝨猶言欲以大力伐秦而不可以救

趙也○索隱曰張晏云搏音博韋昭云蝨大在外蝨小在內故顏師古言以手擊牛可以殺其上蝨而不能破其內蝨喻力欲滅秦不可與章邯即戰也鄒氏言蝨之搏牛本不擬破其上之蟣蝨以言志在大不在小

也今秦攻趙戰勝則兵罷我承其敝不勝則我引

兵鼓行而西必舉秦矣故不如先闞秦趙夫被堅執

銳義不如公坐而運策公不如義因下令軍中曰猛

如虎狼如羊正義狼何懇反貪如狼彊不可使者皆斬之乃

遣其子宋襄相齊身送之至無鹽索隱曰按地理志東平郡之縣在今

東飲酒高會韋昭曰皆刀口尊爵故云大寒大雨士

卒凍飢項羽曰將戮力而攻秦久留不行今歲飢民

貧士卒食芋菽徐廣曰芋一作半半五升器也翻按

隱曰芋蹲鵠也菽豆也臣瓚義亦通漢書軍無見糧

正義曰胡練反類乃飲酒高會不引兵渡河因趙食

與趙并力攻秦乃曰承其敝夫以秦之彊攻新造之

趙其勢必舉趙趙舉而秦彊何敝之承且國兵新破

王坐不安席掃境內而專屬於將軍國家安危在此

一舉今不恤士卒而徇其私索隱曰謂使其子相齊

也營非社稷之臣項羽晨朝上將軍宋義即其帳中斬

江達

宋義頭出令軍中曰宋義與齊謀反楚楚王陰令羽

誅之當是時諸將皆懼服莫敢枝梧如淳曰梧音梧枝梧猶枝捍也

瓚曰小柱為枝邪柱為梧今屋梧邪柱是也皆曰首立楚者將軍家也今

將軍誅亂乃相與共立羽為假上將軍使人追宋義

子及之齊殺之使桓楚報命於懷王懷王因使項羽

為上將軍徐廣曰二世三年十一月當陽君蒲將軍皆屬項羽項

羽已殺卿子冠軍威振楚國名聞諸侯乃遣當陽君

蒲將軍將卒二萬渡河正義曰漳水救鉅鹿戰少利陳餘

復請兵項羽乃悉引兵渡河皆沈船破釜燒廬舍

持三日糧以示士卒必死無一還心於是至則圍王

離與秦軍遇九戰絕其甬道大破之殺蘇角文穎曰秦將也

虜王離涉間不降楚自燒殺當是時楚兵冠諸侯諸

侯軍救鉅鹿下者十餘壁莫敢縱兵及楚擊秦諸將

皆從壁上觀楚戰士無不一以當十楚兵呼聲動天

諸侯軍無不人人惴恐漢書音義曰於是已破秦軍

項羽召見諸侯將入轅門張晏曰軍行以車為陳轅相向為門故曰轅門無

不膝行而前莫敢仰視項羽由是始為諸侯上將軍

諸侯皆屬焉章邯軍棘原張晏曰在漳南晉灼曰地名在鉅鹿南項羽

項羽

江達

項漢云戰
自奇勝遇
得驚動起
羽平生

善是廬云
下三無不
字喚起精
神漢書去
後二無不
字遂之氣
傲

史記卷一

項羽本紀

七

軍漳南正義曰括地志云濁漳水一名漳水今谷名柳河在邢州平鄉縣南注水經云漳水一名

大漳水之目也相持未戰秦軍數却二世使人讓章邯

章邯恐使長史欣請事至咸陽留司馬門三日凡言司馬

門者宮垣之內兵衛所在四面皆有司馬主武事總言之外門為司馬門也。索隱曰按天子門有兵欄

曰司馬趙高不見有不信之心長史欣恐還走其軍

不敢出故道正義曰趙高果使人追之不及欣至軍

報曰趙高用事於中下無可為者今戰能勝高必疾

如吾功戰不能勝不免於死願將軍孰計之陳餘亦

遺章邯書曰白起為秦將去而征鄢郢北阬馬服索隱曰

昭云趙奢子括也代號馬服攻城畧地不可勝計

浩云馬服趙官名言服武事而竟賜死蒙恬為秦將北逐

索隱曰服虔云金城縣所治蘇林曰竟斬陽周孟康

在上郡崔浩云蒙恬樹榆為塞也為秦將三歲矣所亡失以十萬數而諸侯並起滋益

名地屬上郡多彼趙高素諛日久今事急亦恐二世誅之故欲以

法誅將軍以塞責使人更代將軍以脫其禍夫將軍

居外久多內郤有功亦誅無功亦誅且天之亡秦無

愚智皆知之今將軍內不能直諫外為亡國將孤特

獨立而欲常存豈不哀哉將軍何不還兵與諸侯為

從索隱曰此諸侯謂關東諸侯也何以知然文穎曰

關東為從關西為橫高誘曰關東地形從長蘇秦

相六國號為合從關西地形橫長張儀約共攻秦分

王其地南面稱孤此孰與身伏鈇質妻子為僇乎索

曰公羊傳云加之鈇質何休云要斬之罪崔章邯孤

疑陰使候始成張晏曰候軍候官名始成其名使項羽欲

約約未成項羽使蒲將軍日夜引兵渡三戶服虔曰

也張晏曰三戶地名在梁淇而南孟康曰津峽名也

在鄴西三十里○索隱曰水經注云漳水東經三戶

峽為三戶津也淇當為淇按晉八王故事云王俊伐

鄴前至梁湛孟康云在鄴西四十里又關駟十三州

志云鄴北五十里梁軍漳南與秦戰再破之項羽悉

期故縣也字又不同徐廣曰在鄴西○索隱曰汗音

引兵擊秦軍汗水上于郡國志鄴縣有汗城酈元云

汗水出武安山東大破之章邯使人見項羽欲約項

羽召軍吏謀曰糧少欲聽其約軍吏皆曰善項羽乃

與期洹水南殷虛上徐廣曰二世三年七月也綱按

殷都也瓚曰洹水在今安陽縣北去朝歌殷都一百五

十里然則此殷虛非朝歌也汲冢古文曰盤庚遷於

舊殷虛然則朝歌非盤庚所遷者已盟章邯見項羽

而流涕為言趙高項羽乃立章邯為雍王置楚軍中

使長史欣為上將軍將秦軍為前行正義曰到新安

胡郎反

諸侯吏卒異時故繇使屯戍過秦中秦中吏卒遇之
多無狀及秦軍降諸侯諸侯吏卒乘勝多奴虜使之
輕折辱秦吏卒秦吏卒多竊言曰章將軍等詐吾屬
降諸侯今能入關破秦大善即不能諸侯虜吾屬而
東秦必盡誅吾父母妻子諸將微聞其計以告項羽
項羽乃召黥布蒲將軍計曰秦吏卒尚衆其心不服
至關中不聽事必危不如擊之而獨與章邯長史
欣都尉翳入秦於是楚軍以擊阬秦卒二十餘萬人
新安城南徐廣曰漢元年十一月行也定秦地函谷關有兵守

關不得入

文穎曰時關在弘農縣衙山嶺今在河南穀城縣○索隱曰顏師古云今就

南有洪滔澗水即古之函關按山形如函故稱函關又聞沛公已破咸陽項羽

大怒使當陽君等擊關項羽遂入至于戲西沛公軍
霸上未得與項羽相見沛公左司馬曹無傷使人言
於項羽曰沛公欲王關中使子嬰為相珍寶盡有之
項羽大怒曰旦日饗士卒為擊破沛公軍當是時項
羽兵四十萬在新豐鴻門孟康曰在新豐東十七里舊大道北下阪口各也
沛公兵十萬在霸上范增說項羽曰沛公居山東時
貪於財貨好美姬今入關財物無所取婦女無所幸

此其志不在小吾令人望其氣皆為龍虎成五采此

天子氣也急擊勿失楚左尹項伯者項羽季父也索隱

曰名纏字伯後封射陽侯素善留侯張良張良是時從沛公項伯

乃夜馳之沛公軍私見張良具告以事欲呼張良與

俱去曰毋從俱死也張良曰臣為韓王送沛公正義曰為

于偽沛公今事有急亡去不義不可不語良乃入具

告沛公沛公大驚曰為之奈何張良曰誰為大王為

此計者曰鯀生說我曰距關毋內諸侯秦地可盡王

也故聽之徐廣曰鯀音土垢反魚名馴案服虔曰鯀音淺鯀小人貌也瓚曰楚漢春秋鯀姓也

真曰鯀音輒見漢食貨志字从魚从取七垢及音淺皆不近字義

良曰料大王士卒足以當項王乎沛公默然曰固不

如也且為之奈何張良曰請往謂項伯言沛公不敢

背項王也沛公曰君安與項伯有故張良曰秦時與

臣游項伯殺人臣活之今事有急故幸來告良沛公

曰孰與君少長良曰長於臣沛公曰君為我呼入吾

得兄事之張良出要項伯項伯即入見沛公沛公奉

卮酒為壽約為婚姻曰吾入關秋毫不敢有所近籍

吏民封府庫而待將軍所以遣將守關者備他盜之

出入與非常也日夜望將軍至豈敢反乎願伯具言

項王為人所不為
於此可見
此項伯之
所以敢言
范增之所
以不敢怒

臣之不敢倍德也項伯許諾謂沛公曰旦日不可不蚤自來謝項王沛公曰諾於是項伯復夜去至軍中具以沛公言報項王因言曰沛公不先破關中公豈敢入乎今人有大功而擊之不義也不如因善遇之項王許諾沛公旦日從百餘騎來見項王至鴻門謝曰臣與將軍戮力而攻秦將軍戰河北臣戰河南然不自意能先入關破秦得復見將軍於此今者有小人之言令將軍與臣有卻項王曰此沛公左司馬曹無傷言之不然籍何以至此項王即日因留沛公與

飲項王項伯東嚮坐亞父南嚮坐亞父者范增也

曰亞次也尊敬之次
父猶管仲為仲父

沛公北嚮坐張良西嚮侍范增

數目項王舉所佩玉玦以示之者三項王默然不應

范增起出召項莊正義曰項謂曰君王為人不忍若

入前為壽壽畢請以劍舞因擊沛公於坐殺之不

者若屬皆且為所虜莊則入為壽壽畢曰君王與沛

公飲軍中無以為樂請以劍舞項王曰諾項莊拔劍

起舞項伯亦拔劍起舞常以身翼蔽沛公莊不得擊

於是張良至軍門見樊噲樊噲曰今日之事何如良

項王為人所不為
於此可見
此項伯之
所以敢言
范增之所
以不敢怒

項王為人所不為
於此可見
此項伯之
所以敢言
范增之所
以不敢怒

曰甚急今者項莊拔劍舞其意常在沛公也噲曰此迫矣臣請入與之同命噲即帶劍擁盾入軍門正義曰擁

紆拱反盾交戟之衛士欲止不內樊噲側其盾以撞

正義撞直江反衛士仆地噲遂入披帷西嚮立瞋目視項王

正義瞋昌真反頭髮上指目眦盡裂正義眦項王按劍而跽

曰索隱曰其紀客何為者張良曰沛公之叅乘樊噲

者也項王曰壯士賜之卮酒則與斗卮酒噲拜謝起

立而飲之項王曰賜之彘肩則與一生彘肩樊噲覆

其盾於地加彘肩上拔劍切而啗之索隱曰啗徒覽

反九以食餒人

則去聲自項王曰壯士能復飲乎樊噲曰臣死且不

食則上聲避卮酒安足辭夫秦王有虎狼之心殺人如不能舉

刑人如恐不勝天下皆叛之懷王與諸將約曰先破

秦入咸陽者王之今沛公先破秦入咸陽毫毛不敢

有所近封閉宮室還軍霸上以待大王來故遣將守

關者備他盜出入與非常也勞苦而功高如此未有

封侯之賞而聽細說欲誅有功之人此亡秦之續耳

竊為大王不取也項王未有以應曰坐樊噲從良坐

坐須臾沛公起如廁因招樊噲出沛公已出項王使

都尉陳平徐廣曰一本無都字召沛公沛公曰今者出未辭也

為之柰何樊噲曰大行不顧細謹大禮不辭小讓如

今人方為刀俎我為魚肉何辭為於是遂去乃令張

良留謝良問曰大王來何操曰我持白璧一雙欲獻

項王玉斗一雙欲與亞父會其怒不敢獻公為我獻

之張良曰謹諾當是時項王軍在鴻門下沛公軍在

霸上相去四十里沛公則置車騎脫身獨騎與樊噲

夏侯嬰靳彊紀信等索隱曰漢書作紀通通紀成之子四人持劍盾

步走從酈山下道芷陽間行沛公謂張良曰從此道

至吾軍不過二十里耳度我至軍中公乃入沛公已

去間至軍中張良入謝曰沛公不勝杯杓不能辭謹

使臣良奉白璧一雙再拜獻大王足下王斗一雙再

拜奉大將軍足下項王曰沛公安在良曰聞大王有

意督過之脫身獨去已至軍矣如淳曰脫身項王則

受璧置之坐上亞父受玉斗置之地拔劍撞而破之

曰唉徐廣曰唉烏來反○索隱曰音虛其反皆歎恨發聲之辭賢子不足與謀奪

項王天下者必沛公也吾屬今為之虜矣沛公至軍

立誅殺曹無傷居數日項羽引兵西屠咸陽殺秦降

史記卷六十五 留侯世家 第五十五

王子嬰燒秦宮室火三月不滅收其貨寶婦女而東

人或說項王曰關中阻山河四塞徐廣曰東函谷南武關西散關北蕭

關地肥饒可都以霸項王見秦宮室皆以燒殘破又

心懷思欲東歸曰富貴不歸故鄉如衣繡夜行誰知

之者說者曰人言楚人沐猴而冠耳果然張晏曰沐

○索隱曰言彌猴不任久著冠帶以喻楚人性躁暴果然言果如人言也項王聞之烹說

者楚漢春秋揚子法言云說項王使人致命懷王懷

王曰如約乃尊懷王為義帝項王欲自王先王諸將

相謂曰天下初發難時服虔曰兵初起時假立諸侯

後以伐秦然身被堅執公以首事暴露於野正義暴三

竿滅秦定天下者皆將相諸君與籍之力也義帝雖

無功故當分其地而王之諸將皆曰善乃分天下立

諸將為侯王項王范增疑沛公之有天下業已講解

蘇林曰講和也○索隱曰服虔云解折伏也說文云講和解也漢書作媾解蘇林云媾和也是媾之與講

俱訓和也業事也言雖有疑心然事已和解也又惡負約恐諸侯叛之乃陰

謀曰巴蜀道險秦之遷人皆居蜀乃曰巴蜀亦關中

地也故立沛公為漢王王巴蜀漢中都南鄭徐廣曰

立○正義曰括地志云南梁州所理縣也而三分關中王秦降將以距塞

漢王項王乃立章邯為雍王王咸陽以西都廢丘名曰孟靡曰縣名今槐里是也韋昭曰周時長史欣者

故為櫟陽獄掾嘗有德於項梁都尉董翳者本勸章

邯降楚故立司馬欣為塞王韋昭曰在長安東名桃林塞王咸陽

以東至河都櫟陽立董翳為翟王王上郡都高奴文曰上郡秦所置項羽以董翳為翟王更徒魏王豹為

西魏王王河東都平陽瑕丘申陽者徐廣曰一云瑕丘公也服虔

故立申陽為河南王都維陽韓王成因故都都陽翟

張耳嬖臣也先下河南郡迎楚河上

趙將司馬卬定河內數有功故立卬為殷王王河內

都朝歌徙趙王歇為代王趙相張耳素賢又從入關

故立耳為常山王王趙地都襄國當陽君黥布為楚

將常冠軍故立布為九江王都六都君吳芮率百越

佐諸侯又從入關故立芮為衡山王都邾音蕭河反

柱國共敖正義音恭將兵擊南郡功多因立敖為臨江

王都江陵漢書音義曰本南郡改為臨江國○正義曰江陵故郢都也徙

燕王韓廣為遼東王徐廣曰都無終燕將臧荼從楚救趙因

初吳芮為鄱令故號曰鄱君今鄱陽縣是也○正義帝

正義鄱作番音婆文頴曰和音朱縣名屬江夏

正音恭

音恭

音恭

音恭

音恭

音恭

音恭

音恭

音恭

音恭

從入關故立荼為燕王都薊徙齊王田市為膠東王

徐廣曰齊將田都從共救趙因從入關故立都為齊

王都臨菑索隱曰按高紀及田儻傳云臨濟此言臨菑誤故秦所滅齊王建

孫田安項羽方渡河救趙田安下濟北數城引其兵

降項羽故立安為濟北王都博陽正義曰在濟北田榮者數

負項梁又不肯將兵從楚擊秦以故不封成安君陳

餘棄將印去不從入關然素聞其賢有功於趙聞其

在南皮故因環封三縣正義曰成安地理志云成安縣在潁川郡屬豫州南安括

地志云故南皮城在滄州南皮縣北四里本漢皮縣城即陳餘所封也漢書音義曰繞南皮三縣以封

之番君將梅銷章昭曰呼玄反功多故封十萬戶侯項王自

立為西楚霸王王九郡都彭城孟康曰舊名江陵為西楚。正義曰彭城徐州縣南楚吳為東楚彭城

項王出之國使人徙義帝曰古之帝者地勢千里必

居上游文穎曰居水之上流也或作流乃使使徙義帝長沙郴縣如

音郴趣義帝行其群臣稍稍背叛之乃陰令衡山臨

江王擊殺之江中文穎曰郴縣有義帝冢歲時常祠不絕韓王成無軍

功項王不使之國與俱至彭城廢以為侯已又殺之

臧荼之國因逐韓廣之遼東廣弗聽荼擊殺廣無終

五二

項漢田
榮不封
生此故知
言於易為
幸難也

三齊記曰
右即墨中
臨淄左平
謂之三

并王其地田榮聞項羽徙齊王市膠東而立齊將田
都為齊王乃大怒不肯遣齊王之膠東因以齊反迎
擊田都田都走楚齊王市畏項王乃亡之膠東就國
田榮怒追擊殺之即墨榮因自立為齊王而西擊殺
濟北王田安并王三齊漢書音義曰齊與濟北膠東榮與彭越將
軍印令反梁地陳餘陰使張同夏說說齊王田榮曰
項羽為天下宰不平今盡王故王於醜地而王其群
臣諸將善地逐其故主趙王乃北居代餘以為不可
聞大王起兵且不聽不義願大王資餘兵請以擊常

山以復趙王請以國為扞蔽齊王許之因遣兵之趙
陳餘悉發三縣兵與齊并力擊常山大破之張耳走
歸漢陳餘迎故趙王歇於代反之趙趙王因立陳餘
為代王是時漢還定三秦項羽聞漢王皆已并關中
且東齊趙叛之大怒乃以故吳令鄭昌為韓王以距
漢令蕭公角等擊彭越蘇林曰官號也或曰蕭令也時令皆稱公彭越敗蕭
公角等漢使張良徇韓乃遺項王書曰漢王失職欲
得關中如約即止不敢東又以齊梁反書遺項王曰
齊欲與趙并滅楚楚以此故無西意而北擊齊徵兵

項漢田
榮不封
生此故知
言於易為
幸難也

史記卷七

項羽已

三

東安餘

慎曰學
事實部字
体面兩紀
百見

九江王布布稱疾不往使將將數千人行項王由此
怨布也漢之二年冬項羽遂北至城陽田榮亦將兵
會戰田榮不勝走至平原平原民殺之遂北燒夷齊
城郭室屋皆阬田榮降卒係虜其老弱婦女徇齊至
北海多所殘滅齊人相聚而叛之於是田榮弟田橫
收齊亡卒得數萬人反城陽項王因留連戰未能下
春漢王部徐廣曰一作劫○索五諸侯兵徐廣曰塞
南駒按應劭曰雍翟塞殷帶也草昭曰塞翟殷韓魏
雍時已敗也○索隱曰按徐廣草昭皆數翟塞及殷
韓等顏師古不數三秦謂常山河南韓魏殷顧胤意
畧同乃以陳餘兵為五未知孰是鄙意按韓王鄭昌

惟漢使韓信擊破之則是韓兵不下而已破散也
韓不在此數五諸侯者塞翟河南魏殷也○正義曰
師古曰諸家之說皆非張良遺羽書曰漢欲今得關
中如約即止不敢復東謂出關之東也今羽乃聞漢
王東之時漢固已得三秦矣八五諸侯者謂常山河南
韓魏殷也此年十月常山王張耳降河南王申陽降
韓王鄭昌降魏王豹降虜殷王卬皆漢東之後故知
謂此為五諸侯時雖未得常山之地功臣年表云張
耳棄國與大臣歸漢則當亦有士卒爾時
雍王猶在廢丘被圍即非五侯之數也 凡五十六
萬人東伐楚項王聞之即令諸將擊齊而自以精兵
三萬人南從魯出胡陵四月漢皆已入彭城收其貨
寶美人日置酒高會項王乃西從蕭晨擊漢軍而東
至彭城日中大破漢軍張晏曰一日之中也或漢軍

史記

項王

三

陳安孫

皆走相隨入穀泗水贛曰二水皆在沛郡彭城殺漢卒十餘萬人

漢卒皆南走山正義曰走音素楚又追擊至靈壁東徐廣曰在彭城

索隱曰孟康曰故小縣在彭城南睢水上徐廣曰睢水於彭城入泗水漢軍却為

楚所擠服虔曰擠音濟民之濟贛曰排擠也多殺漢卒十餘萬人皆入

睢水睢水為之不流正義曰于偽反圍漢王三匝於是大風

從西北而起折木發屋揚沙石窈冥晝晦徐廣曰窈亦作窅字

逢迎楚軍楚軍大亂壞散而漢王乃得與數十騎遁

去欲過沛收家室而西楚亦使人追之沛取漢王家

家皆亡不與漢王相見漢王道逢得孝惠魯元服虔曰元

長也食邑於魯乃載行楚騎追漢王漢王急推墮孝

惠魯元車下滕公常下收載之如是者三曰雖急不

可以驅奈何棄之於是遂得脫求太公吕后不相遇

審食其從太公吕后間行求漢王贛曰其音基○索隱曰食音異按審

其並慕其名○如淳曰間出間步微行皆同義也

反遇楚軍楚軍遂與歸報項王項王常置軍中是時

吕后兄周吕侯徐廣曰名澤○正義曰蘇林云以姓

澤也吕縣名封於吕以為國顏師古云周侯為漢將兵

居下邑徐廣曰在梁漢王間往從之稍稍收其士卒至榮

陽諸敗軍皆會蕭何亦發關中老弱未傅悉詣滎陽
服虔曰傳音附孟康曰占者二十而傅三年耕有一年儲故二十三而後後之如淳曰律年二十三傳之疇官各從其父疇內學之高不滿六尺二寸以下為罷癯漢儀註民年二十三為正一歲為衛七一歲乃得免為庶民就田里今老弱未嘗傅者皆發之未復為正一歲屯戍一歲力後三十倍於古者○索隱曰按姓氏云古者更卒不過一月踐更五月而休文謂一歲力後三十倍於古也斯說得之復大振楚起於彭城常乘勝逐北與漢戰滎陽南京索間漢敗楚
應劭曰京縣名屬河南楚以故不能過滎陽而西項

王之救彭城追漢王至滎陽田橫亦得收齊立田榮
子廣為齊王漢王之敗彭城諸侯皆復與楚而背漢
漢軍滎陽築甬道屬之河以取敖倉粟瓚曰敖地名在滎陽西北
山臨河漢之三年項王數侵奪漢甬道漢王食之恐有大倉請和割滎陽以西為漢項王欲聽之歷陽侯范增曰
漢易與耳今釋弗取後必悔之項王乃與范增急圍
滎陽漢王患之乃用陳平計間項王項王使者來為
太牢具舉欲進之見使者佯驚愕曰吾以為亞父使
者乃反項王使者更持去以惡食食項王使者正義曰上

食如字使者歸報項王項王乃疑范增與漢有私稍

奪之權范增大怒曰天下事大定矣君王自為之願

賜骸骨歸卒伍項王許之行未至彭城疽發背而死

皇覽曰亞父冢在廬江居巢縣郭東居巢廷中有亞父井吏民皆祭亞父於居巢廷上長吏初視事皆祭

然後從政後更造祠於郭東至今祠之漢將紀信說漢王曰事已急矣

請為王誑楚為王王可以間出於是漢王夜出女子

榮陽東門被甲二千人楚兵四面擊之紀信乘黃屋

正義曰李斐云天子車以黃繒為蓋裏車傳左纛李斐曰纛毛羽幢也

柱之蔡邕曰以犛牛尾為之曰城中食盡漢王降楚

與云此直
切刺等上
並深業以
非正實
乃利義
世有
被甲
我如
王如
出耶

軍皆呼萬歲漢王亦與數十騎從城西門出走成臯

項王見紀信問漢王安在信曰漢王已出矣項王燒

殺紀信漢王使御史大夫周苛縱公縱音七魏豹守榮

陽周苛縱公謀曰反國之王難與守城乃共殺魏豹

楚下榮陽城生得周苛項王謂周苛曰為我將我以

公為上將軍封三萬戶周苛罵曰若不趣降漢漢今

虜若若非漢敵也項王怒烹周苛并殺縱公漢王之

出榮陽南走宛葉得九江王布行收兵復入保成臯

漢之四年項王進兵圍成臯漢王逃晉灼曰獨山意

索隱曰音徒

余海

獨與滕公出成臯北門徐廣曰北門名玉門渡河走

脩武從張耳韓信軍諸將稍稍得出成臯從漢王楚

遂拔成臯欲西漢使兵距之鞏令其不得西是時彭

越渡河擊楚東阿殺楚將軍薛公項王乃自東擊彭

越漢王得淮陰侯兵欲渡河南鄭忠說漢王乃止壁

河內使劉賈將兵佐彭越燒楚積聚正義積音項王積賜反

東擊破之走彭越漢王則引兵渡河復取成臯軍廣

武就敖倉食項王已定東海萊西與漢俱臨廣武而

軍孟康曰於滎陽築兩城相對相守數月當此時彭

越數反梁地絕楚糧食項王患之為高俎置太公其

上如淳曰高俎几之上李奇曰軍中築櫓方面人謂

之俎也。索隱曰俎亦机之類故夏侯湛論為

机机猶俎也比太公於牲肉故置之俎上姚察按左

氏楚子登巢車以望晉軍杜預謂車上櫓也故李氏

云軍中築櫓又引時告漣全曰今不急下吾烹太公

漢王曰吾與項羽俱北面受命懷王曰約為兄弟吾

翁即若翁必欲烹而翁則幸分我一杯羹項王怒欲

殺之項伯曰天下事未可知且為天下者不顧家雖

殺之無益祇益禍耳項王從之楚漢久相持未決丁

壯苦軍旅老弱罷轉漕項王謂漢王曰天下匈匈數

史記卷七
項王紀
歲者徒以吾兩人耳願與漢王挑戰

李奇曰挑身獨戰不復須衆也

挑音茶了反贊曰挑戰適

决雌雄毋徒苦天下之民

父子為也漢王笑謝曰吾寧關智不能關力項王令

壯士出挑戰漢有善騎射者樓煩

應劭曰樓煩胡也今樓煩縣

楚

挑戰三合樓煩輒射殺之項王大怒乃自被甲持戟

挑戰樓煩欲射之項王瞋目叱之樓煩目不敢視手

不敢發遂走還入壁不敢復出漢王使人間問之乃

項王也漢王大驚於是項王乃即漢王相與臨廣武

間而語漢王數之項王怒欲一戰漢王不聽項王伏

弩射中漢王漢王傷走入成臯項王聞淮陰侯已舉

河北破齊趙且欲擊楚乃使龍且

韋昭曰音子間反

往擊之

淮陰侯與戰騎將灌嬰擊之大破楚軍殺龍且韓信

因自立為齊王項王聞龍且軍破則恐使盱台人武

涉往說淮陰侯淮陰侯弗聽是時彭越復反下梁地

絕楚糧項王乃謂海春侯大司馬曹咎等曰謹守成

臯則漢欲挑戰慎勿與戰毋令得東而已我十五日

必誅彭越定梁地復從將軍乃東行擊陳留外黃外

黃不下數日已降項王怒悉令男子年十五已上詣

城東欲阬之外黃令舍人兒年十三

蘇林曰令之舍人兒也贊曰稱

兒者以其幼弱故係其父春秋傳曰仍叔之子是也

往說項王曰彭越疆劫外

黃

正義疆其兩反

外黃恐故且降待大王大王至又皆阬之

百姓豈有歸心從此以東梁地十餘城皆恐莫肯下

矣項王然其言乃赦外黃當阬者東至睢陽聞之皆

爭下項王漢果數挑楚軍戰楚軍不出使人辱之五

六日大司馬怒渡兵汜水士卒半渡漢擊之大破楚

軍盡得楚國貨賂大司馬咎長史翳塞王欣皆自剄

汜水上

鄭玄曰剄音經鳥反以刀割頸為剄

大司馬咎者故蕪獄掾長

史欣亦故櫟陽獄吏兩人嘗有德於項梁是以項王

信任之當是時項王在睢陽聞海春侯軍敗則引兵

還漢軍方圍鍾離昧於滎陽東

漢書音義曰昧音朱

項王至漢

軍畏楚盡走險阻是時漢兵盛食多項王兵罷食絕

漢遣陸賈說項王請太公項王弗聽漢王復使侯公

往說項王項王乃與漢約中分天下割鴻溝以西者

為漢

文穎曰於滎陽下引河東南為鴻溝以通宋鄭陳蔡曹衛與濟汝淮泗會於楚即今官渡水也

鴻溝而東者為楚項王許之即歸漢王父母妻子軍

皆呼萬歲漢王乃封侯公為平國君匿弗肯復見曰

此天下辯士所居傾國故號為平國君項王已約乃引兵解而東歸漢欲西歸張良陳平說曰漢有天下大半而諸侯皆附之楚兵罷食盡此天亡楚之時也不如因其機而遂取之今釋弗擊此所謂養虎自遺患也正義遺唯李反漢王聽之漢五年漢王乃追項王至陽夏南如淳曰唯李反止軍與淮陰侯韓信建成侯彭越期會而擊楚軍至固陵徐廣曰在陽賈駟按晉灼曰即固始也而信越之兵不會楚擊漢軍大破之漢王復入壁深塹而自守謂張子房曰諸侯不從約為之奈何對曰楚兵且破信

越未有分地

李奇曰信越等未有益地之分也韋昭曰信等雖名為王未有所畫經界其

不至固宜君王能與共分天下今可立致也即不能

事未可知也君王能自陳以東傅海盡與韓信

正義曰傳

音附著也陳即陳州古陳國都也自睢陽以北至穀陳著海并齊舊地盡與齊王韓信也睢陽以北至穀

城以與彭越

正義曰括地志云穀城故在齊州東阿縣東二十六里睢陽宋州也自宋州以

北至齊州穀城際黃河盡與相國彭越使各自為戰則楚易敗也正義為于

偽漢王曰善於是乃發使者告韓信彭越曰并力擊

楚楚破自陳以東傅海與齊王睢陽以北至穀城與

彭相國使者至韓信彭越皆報曰請今進兵韓信乃

從齊往劉賈軍從壽春並行屠城父如淳曰並行並
父音甫壽州壽春縣也城父亳州縣也屠謂多刑殺
也劉賈入圍壽州引兵過淮北屠殺亳州城父而東
北至垓下與大司至垓下徐廣曰在沛之交縣交下
馬周殷等圍項羽交切駟按應劭曰垓音該
李奇曰沛交縣聚邑名也○索隱曰張揖三蒼注云
垓堤名在沛郡○正義曰按垓下是高岡絕巖今猶
高三四丈其聚邑及堤在垓之側因取名焉今在
亳州真源縣東十里與老君相接交音戶交反大
司馬周殷叛楚以舒屠六如淳曰以舒之舉九江兵
隨劉賈彭越皆會垓下詣項王項王軍壁垓下兵少
食盡漢軍及諸侯兵圍之數重夜聞漢軍四面皆楚
歌項王乃大驚曰漢皆已得楚乎是何楚人之多也

項王則夜起飲帳中有美人名虞徐廣曰一常幸從
駿馬名騅正義曰音佳顧野王云青白常騎之於是
項王乃悲歌忼慨自為詩曰力拔山兮氣盖世時不
利兮騅不逝騅不逝兮可柰何虞兮虞兮柰若何歌
數闕美人和之正義曰和音胡吐反楚漢春秋云歌
氣盡賊妾項王泣數行下左右皆泣莫能仰視於是
項王乃上馬騎正義曰其倚反凡麾下正義麾亦作
壯士騎從者八百餘人直夜潰圍南出馳走平明漢
軍乃覺之令騎將灌嬰以五千騎追之項王渡淮騎

八頁月已 正 葉音矣

能屬者百餘人耳正義屬音燭項王至陰陵徐廣曰在淮南迷失

道問一田父田父給曰左文穎曰給欺也欺令左去左乃陷大澤

中以故漢追及之項王乃復引兵而東至東城漢書音義

不得脫謂其騎曰吾起兵至今八歲矣身七十餘戰

所當者破所擊者服未嘗敗北遂霸有天下然今卒

困於此此天之亡我非戰之罪也今日固決死願為

諸君決戰必三勝之為諸君潰圍斬將刈旗令諸君

知天亡我非戰之罪也乃分其騎以為四隊四嚮漢

軍圍之數重項王謂其騎曰吾為公取彼一將令四

面騎馳下期山東為三處正義曰期遇山東分為三處

於是項王大呼正義曰馳下漢軍皆披靡正義曰上

言精體低垂遂斬漢一將是時赤泉侯為騎將追項王項

王噴目而叱之赤泉侯人馬俱驚辟易數里正義曰

俱驚開張易舊處乃至數里與其騎會為三處漢軍不知項王所

在乃分軍為三復圍之項王乃馳復斬漢一都尉殺

數十百人復聚其騎亡其兩騎耳乃謂其騎曰何如

志云九鵬山在滁州全椒縣西北九十六里江表傳云項羽敗至烏江漢兵追羽至此一日九戰因名

言精體低垂於是項王大呼正義曰馳下漢軍皆披靡正義曰上

王噴目而叱之赤泉侯人馬俱驚辟易數里正義曰

俱驚開張易舊處乃至數里與其騎會為三處漢軍不知項王所

在乃分軍為三復圍之項王乃馳復斬漢一都尉殺

數十百人復聚其騎亡其兩騎耳乃謂其騎曰何如

志云九鵬山在滁州全椒縣西北九十六里江表傳云項羽敗至烏江漢兵追羽至此一日九戰因名

言精體低垂於是項王大呼正義曰馳下漢軍皆披靡正義曰上

王噴目而叱之赤泉侯人馬俱驚辟易數里正義曰

俱驚開張易舊處乃至數里與其騎會為三處漢軍不知項王所

在乃分軍為三復圍之項王乃馳復斬漢一都尉殺

數十百人復聚其騎亡其兩騎耳乃謂其騎曰何如

騎皆伏曰如大王言於是項王乃欲東渡烏江瓚曰在牛

渚○索隱曰按烏江亭長檣船待徐廣曰檣音儀

晉初屬臨淮方人謂整船向岸曰檣○索隱曰檣字諸家各以意

解爾鄒詵本作樣船以謂項王曰江東雖小地方千

尚反劉氏亦有此音里衆數十萬人亦是王也願大王急渡今獨臣有船

漢軍至無以渡項王笑曰天之亡我我何渡為且籍

與江東子弟八千人渡江而西今無一人還縱江東

父兄憐而王我我何面目見之縱彼不言籍獨不愧

於心乎乃謂亭長曰吾知公長者吾騎此馬五歲正義

正

曰騎所當無敵嘗一日行千里不忍殺之以賜公乃

令騎皆下馬步行持短兵接戰獨籍所殺漢軍數百

人項王身亦被十餘創顧見漢騎司馬呂馬童曰若

非吾故人乎馬童面之張晏曰以故人故難視所之

指王翳曰此項王也如淳曰指項王乃曰吾聞漢購

我頭千金正義曰漢以一萬錢也邑萬戶吾為若德徐

曰亦可是功德之德○正義曰為于偽反言呂馬童與項羽先是故人舊有恩德於羽一云德行也乃

自刎而死王翳取其頭餘騎相蹂踐爭項王相殺者

數十人最其後郎中騎楊喜騎司馬呂馬童郎中呂

史記卷七

勝楊武各得其一體五人共會其體皆是分其地為

五封呂馬童為中水侯索隱曰按晉書地道記其中

志云中水縣屬涿郡應邵云封王翳為社衍侯索隱

地理志縣在南陽按表作王翳也正義曰括封楊

喜為赤泉侯按漢書表及後漢作息音火志反改封

楊武為吳防侯索隱曰地理志縣名屬汝南故房子

呂勝為涅陽侯徐廣曰地理志南陽縣名

死徐廣曰漢五年之十一日也項王以楚地皆降漢

死如皇十五年已巳歲生死時年三十一

獨魯不下漢乃引天下兵欲屠之為其守禮義為主

死節乃持項王頭示魯魯父兄乃降始楚懷王初封

項籍為魯公及其死魯最下故以魯公禮葬項王

穀城皇覽曰項羽冢在東郡漢王為發哀泣之而去

諸項氏枝屬漢王皆不誅乃封項伯為射陽侯正義

音食夜反括地志云楚州山陽本漢射桃侯徐廣

子舍為丞相。正義曰括地志云故城在滑州桃侯名襄

平臯侯徐廣曰名佗。正義曰括地志云平臯故城

徒何玄武侯徐廣曰諸侯皆項氏賜姓劉氏

真一傳
則力已極
德重體
著也聞
質自供石

太史公曰吾聞之周生曰文穎曰周時賢者。正義曰孔文祥云周生漢時儒

者姓周也按太史公云吾聞之周生則是漢人與太史公耳目相接明矣舜目蓋重瞳子

尸子曰舜兩眸又聞項羽亦重瞳子羽豈其苗裔邪

何興之暴也夫秦失其政陳涉首難豪傑蓬起相與

並爭不可勝數然羽非有尺寸乘勢起隴畝之中三

年遂將五諸侯滅秦此時山東六國而齊趙韓魏燕

分裂天下而封王侯政由羽出號為霸王位雖不終

近古以來未嘗有也及羽背關懷楚正義曰頗師古

王高祖於關中懷楚放逐義帝而自立怨王侯叛已

謂思東歸而都彭城

難矣自矜功伐奮其私智而不師古謂霸王之業欲

以力征經營天下五年卒亡其國正義曰卒音子律

年至五年殺身死東城尚不覺寤而不自責過矣乃

項羽東城引天亡我非用兵之罪也豈不謬哉

史記題評卷七

史記

五

第

日
問
所

文化
章
末

